

հազար թումանի ինչս գոհարեղէն բնծայս բերեալ է իմ վասն տէրութեանդ: Գարձեալ հնարց ի նմանէ ասելով որպիսի՞ր կամօք գտեր զհայս ի Շամախի և ի Շիրվան: Առ որ պատասխանեաց դեսպանն այն ասելով, թէ ի մէջ տասն կամ շորք տասան աւուրց մինչ դեռ անցանէաք անտի, ութևասասն հազար զինաւորեալ հայս գումարեցան ի վերայ իմ, կարծելով թէ տէրութիւն ձեր առաքեալ է զիս իբրու գլխաւորս լինիլ նոցա: Յաղագաս որոյ յոյժ ուրախացեալ, արքային ասաց ցումարդի դեսպանին, ահա զոր ինչ բերեալ ես վասն իմ, այն իսկ քեզ լիցի, յաղագս ծախին բում, արդէն երթ ե գնեալ քեզ, զոր ինչ կամիս, քանզի զկնի աւուրց քառասուն հազար զօրաց պետ եմ կարգեցեալ զքեզ երթալ ի Հայաստան:

Յայնժամ վատթարն այն իբրև զայս բան լուաւ, տկաւ լալ և ասել, թէ ինքն վաճառականի որդի վաճառական է և անհնարին է նմա յանձն առնուլ այնպիսի գործ, զոր յառաջադրէ, ապա զայրացեալ յոյժ թագաւորին և ի սաստիկ ցասմանէ անտի, ոստեաւ ի տեղոջէ իւրմէ և ել արտաքս վասն հանգուցանելոյ զսիրտ իւր ի ցանմխիթարութենէ անտի, որ ոչ գտաւ ոք ի մէջ այնքան հայոց արի և խոհեմ: Զայս ամենայն համբաւս ընթերցեալ է մեր ի պատմութեան շահն Շահնադր բռնաւորին, արարեալ ի մտոր Հանսէ յանգլիացոյ<sup>20</sup>:

Այլ և ի ժամանակի Պետրոս արքային հայք տասնապատիկ առաւելս էին, քան զայժմս, և մէլիքեանքն Ղարաբաղու բաւական շատացեալս էին զօրօք և բովանդակ նախիջևան և Երևան լի էր հարուստ վաճառականօք, որովհետև յայնմ ժամանակի մէն մի այլ իսկ ոչ երևեցաւ ի Հայաստան աշխարհի նախանձախնդիր ազգին, զի՞ արդ է կարելի, զի այժմս գտանիցի այնպիսի ոմն, որ հեղինակ լիցի զբարի դիտմանցս մերոց: Ուրեմն անկէ և պատշաճ, զի ամենայն հայք, որք են ի կողմանդ այդմիկ միահաղուն ժողովեսցին և հաստատեսցեն զմաստար<sup>21</sup> և կնքեսցեն ամենեքեան և առաքեսցեն ի սուրբ էջմիածին առ սրբազան կաթողիկոսն և խնդրեսցեն ի նմանէ, որ ինքն իսկ ձեռնադրեսցէ և կնքեսցէ հանդերձ ամենայն եպիսկոպոսոք իւրովք, որք են անդ, զի հրամանաւ ամենափայլ թագուհտոյն իւրեանց առաջնորդ կարգեսցեն զքնեազ Գրիգոր Ալէքսանդրովիչ Պօտեմկինն:

Զայս ամենայն տեսեալ թագուհտոյն մեծի, յոյժ մեծաւ սիրով հաճեսցի, ապա թէ կարելի լիցի յայնժամ հայոց հեշտութեամբ ազատել և դերծանել ի լծոյ անօրէն բռնաւորաց. «եթէ ոչ, բուբաբազան օղուլ օլմազ»<sup>22</sup>: Այսինքն ի յազգէն հայոց ի մէջ հարիւր ամաց և ոչ գտանիցի այնպիսի ոմն, զի կարողանայցէ ի մի վայր հաւաքել զժողովուրդս իւր, որպէս ասէ. «ուր ֆալու հափսի բիր հալլու»<sup>23</sup>:

Ահա վեց հարիւր և եօթանասուն ամք են, յորմէ հետէ իբրև զգերի հպատակ են եղեալ այլ և այլ ազգաց, և անդստին բնութիւնք նոցին այն են, որ առաւել օտարասէրս են, քան զիւրասէր, նմանին տկաւորնացոց կամ լիւրիկեցոց, որք յօժարին յաւետ ծառայել վէնէտիկցոց հնարագէտ ժողովրդապետական քաղաքացոց, քան ունել ինքեանց կառավարող, առ այս դէպ է մեզ ի մտաւ ածել զբանն ի ճարտասանութեան հայր Ստեփաննոսին, էրես 505, յօդուած Դ:

Գիւրալ յարին յօտար ազգս նուաստ և անշուք համարելով զազգս մեր, ուստի և յորովք ի տեղիս տեղիս ոչ ախորժեն հայ անուանել զանձինս: Ահա պատճառ հիւանդութեան ազգին բարւոք ասաց և եթող ընթերցողաց գտանել զնոսխայն<sup>24</sup>, այն էր, զոր ի վերոյ համարձակեցայ խոհարարար հարևանցիկ ոճիւ մատուցանել առաջի գերամեծար տէրութեանդ, յորմէ խնդրեմ ներումն սիրոյդ առանց ձանձրանալոյ: Քանզի դու միայն կաս ի մէջ ամենայն հոգևորաց իբրև զհայր գթած, որ գալարի աղեօք և յաւէտ լսէ զձայն յառաջանաց որդոց իւրոց:

Թագում բանս ունիմ ասելոյ, ընդ որ հոգիս յօժար է և մարմինս տկար, երանի թէ բաւականապէս հմուտ լինիցէի հայկական լիզուի, նման Աբբայանց միաբանից, ապա թէ յայնժամ կարողանայի իսկապէս բացայայտել զխորհուրդս սրտի իմոյ, գո՞ւցէ թէ ճարակ ինչ լինիցէր և բուժիչ ախտացե-